



ՍԱՂԻԱՆԻ ՎԱՆՔԻ ՎԱՆԱԿԱՆ ԴԳՐՈՅՆ.

Սաղիանի վանքի և միւս մեծ թե-
րութիւնը լրացնելոյ համար՝ այն է
վանական դպրոցի հաստատութեան գոր-
ծը կարգի գնելոյ համար, որ ամենակա-
րելուն էր այս վիճակի ժողովրդեան հա-
մար, մանաւանդ թէ վեհափառ կաթու-

ղիկօսը տ. Մակար իւր կոնդակի մէջ՝ վանքի տաճարի օժման
թոյլտուութեան համար՝ տուած 'ի 15-ն գեկտ. 1887 ամի հա-
մար 552, գրէ.

«Մեծայոյս եմք, զի յետ այսորիկ աշխատ լինիջիք զտա-
ճարն զայն հոյակապ պայծառացուցանել ներքին և արտարին
բարեգարգութեամբք և առննթեր նմին պահպանել զվանական
դպրոց մի առ 'ի պատրաստել զարժանաւոր պաշտօնեայս և
սոլասաւորս 'ի նմին»:

Ամենայն օր մտածելով և խորհրդակցելով բանիմաց մարդ-
կանց հետ, եզրակացրինք Հառիճոյ վանքի վանական դպրոցի
կառավարչական կանոնադրութեան հետեւել, որոյ օրինակն ար-
դէն ստացել էի արժանապատիւ Յովսէփ աւագ քահանայ Կոս-
տանեանցից, միջոցաւ հոգևորդոյն իմոյ Մեսրոփք քահանայի
Գէօնջեանց:

Եւ այն կանոնադրութիւնը այս վիճակի հանգամանոցը
յարմարացնելով և վանքի դրութեանը՝ պատրաստեցի, ուղար-
կեցի Բագու քաղաքի մեր գործակալ արժանապատիւ Խորէն
աւագ քահանային՝ կարդալ ազգասէր իշխանաց մօտ և հրաւի-